

Kantonalno javno komunalno preduzeće
"GRADSKI SAOBRAĆAJ" d.o.o. Sarajevo
ul Srđana Aleksića br 1, 71000 Sarajevo

UPAVA PRERDUZEĆA

Broj: 04/88
Datum: 01-04-2024

Na osnovu člana 64. stav (1) tačka b), člana 69. stav (1) tačka a), člana 70. stav (1), (3) i (6) Zakona o javnim nabavkama BiH („Službeni glasnik BiH" broj 39/14 i 59/22), člana 21. Pravilnika o nabavci roba, usluga i radova KJKP „Gradski saobraćaj" d.o.o. Sarajevo, nakon provedenog Otvorenog postupka javne nabavke roba: „LOT 2042 - DIZEL BAS EN 590 (10ppm)", Obavještenje o javnoj nabavci broj: 257-1-1-184-3-244/23 objavljeno je na Portalu javnih nabavki dana 07.12.2023 godine i sažetak Obavještenja u „Službeni glasnik BiH" broj 84 od 15.12.2023 godna, na preporuku Komisije za javnu nabavku broj: 2886 od 21.03.2024 godine i Zaključka Uprave preduzeća broj: 04/88 od 27.3.2024. god., Uprava preduzeća donijela je

ODLUKU

o izboru ponuđača za javnu nabavku robe:
„LOT 2042 - DIZEL BAS EN 590 (10ppm)"

Član 1.

Prihvata se Preporuka Komisije za javne nabavke broj: 2886 od 21.03.2024. godine, te u skladu sa članom 64. stav (1) tačka b) i Članom 32. stav (5) tačka b) zaključuju se okvirni sporazumi na period od 2 (dvije) godine za nabavku robe: "LOT 2042 - DIZEL BAS EN 590 (10ppm) ", na osnovu ponuda i nakon provedene „E" aukcije obavljene dana 08.03.2024. godine,

(1) sa ponuđačima čije su ponude kvalifikovane u otvorenom postupku javne nabavke:

Red. broj	Naziv i sjedište ponuđača	Broj protokola i datum Ponude	Cijena bez PDV-a (KM)	Cijena sa PDV-om (KM)
1.	„HIFA PETROL" d.o.o. Vogošća, ul. Hotonj bb, Vogošća-Sarajevo	578 od 19.01.2024.	10.442.000,00	12.217.140,00
2.	„JUNUZOVIĆ – kopex" d.o.o. ul. Lukavac, Ul. Modrac – Studenac bb	579 od 19.01.2024.	10.580.000,00	12.378.600,00
3.	„ALMY" d.o.o. Zenica ul. Vrandučka bb, Zenica	665 od 22.01.2024.	10.580.000,00	12.378.600,00
4.	„HIFA-OIL" d.o.o. Tešanj ul. Bukva br 10, Tešanj	672 od 22.01.2024.	10.580.000,00	12.378.600,00
5.	„EOL PETROL" d.o.o. Sarajevo ul. Kalmija Baruha 10, Sarajevo	674 od 22.01.2024.	10.580.000,00	12.378.600,00

- (2) Rok plaćanja: do 60 dana od dana isporuke robe i ispostavljene fakture
(3) Rok isporuke: 2 radna dana od dana dostave narudžbe
(4) Kvalitet robe: Prema tehničkim podacima i elementima ponude

Član 2.

(1) Ugovorni organ, nakon provedenog postupka i zaključenih okvirnih sporazuma sa svim kvalifikovanim ponuđačima, **odjeljuje prvi pojedinačni ugovor za količinu 100.000 litara najuspješnijem ponuđaču „HIFA PETROL“ d.o.o. Vogošća, ul. Hotonj bb, Vogošća**, koji je dostavio tehnički ispravnu ponudu sa najnižom cjenom pod sljedećim uslovima:

➤ Količina	100.000 litara
➤ Cijena / liter bez PDV	2,27 KM/l
➤ Ukupna cijena ponude bez PDV-a	227.000,00 KM
➤ PDV	38.590,00 KM
➤ Ukupna cijena ponude sa PDV-om	265.590,00 KM
➤ Način plaćanja :	Do 60 dana od dana po prijemu fakture
➤ Kvalitet:	Kao u tehničkim elementima ponude
➤ Rok isporuke	2 radna dana od dana dostave narudžbe

(2) Ukoliko ponuđač „HIFA PETROL“ d.o.o. Vogošća, u određenom roku ne pristupi zaključenju Ugovora, odnosno propusti potpisati Okvirni sporazum/Ugovor o nabavci u roku koji mu je odredio Ugovorni organ ili nastupi drugi uslov definisan članom 72. stav (3) tačka a) do f) Zakona o javnim nabavkama, a u skladu sa odredbama člana 72. tačka 3) Zakona o javnim nabavkama Ugovorni organ će dostaviti prijedlog Ugovora onom ponuđaču čija je ponuda po rang-listi odmah nakon ponude najuspješnijeg ponuđača, odnosno postupiti u skladu sa Članom 32. stav (5) tačka b) obzirom da su cijene ostalih ponuda iste.

Član 3.

Ponude ponuđača pobježe opisane u članu 1. i Članu 2. ove Odluke, proglašavaju se kvalifikovanim i prihvatljivim u skladu s kriterijem za dodjelu ugovora „najniža cijena“ prihvatljive ponude.

Član 4.

S odabranim ponuđačima iz Člana 1. po konačnosti ove Odluke i ispunjavanju preduslova zaključit će se Okvirni sporazumi na period od 2 (dvije) godine u skladu sa članom 32., a u vezi sa članovima 72. i 98. Zakona o javnim nabavkama, u skladu sa tenderskom dokumentacijom, zakonskim i podzakonskim aktima, kojim će se regulisati međusobna prava i obaveze.

Član 5.

Na osnovu zaključenih Okvirnih sporazuma sa odabranim ponuđačima prema ukazanim potrebama će se zaključivati pojedinačni Ugovori, shodno potrebama ugovornog organa i u skladu sa finansijskim sredstvima za te namjene u momentu zaključivanja pojedinačnih ugovora.

Član 6.

Na osnovu Člana 32. stav (5) tačka b) Zakona o javnim nabavkama BiH i tačke 8.4. pod 5) i 6) Tenderske dokumentacije, svaki sljedeći pojedinačni ugovor zaključivat će se na osnovu dostavljenih ponuda ponuđača sa kojima ugovorni organ ima zaključen okvirni sporazum uz preciznije definisanje količina u okviru uslova iz okvirnog sporazuma, u odnosu na potrebe ugovornog organa i to:

- Za svaki ugovor, ugovorni organ će pismeno se obratiti svim ponuđačima s kojima ima zaključen okvirni sporazum uz definiranje primjerenog roka za dostavljanje ponuda za „mini tenderisanje“.
- Ponude se podnose u pismenom obliku, a njihov sadržaj ostaje tajna sve do isteka predviđenog roka za dostavu ponuda;
- Sve cijene trebaju biti navedene u konvertibilnim markama (KM) i prema stavkama iz Aneksa. Ponuđena cijena treba uključivati sve obaveze vezane za tu uslugu koja je predmet nabavke (bez PDV-a), ukupnu cijenu po stavkama.
- Cijena koju navede ponuđač ne smije biti viša od posljednje prosječne cijene za dizel gorivo koju izdaje Federalno ministarstvo trgovine / Ministarstvo trgovine i turizma RS i neće se mijenjati tokom izvršenja ugovora i ne podliježe bilo kakvim promjenama. Ugovorni organ će kao neprihvatljivu odbiti onu ponudu koja sadrži cijenu višu od cijene za dizel gorivo koju izdaje Federalno ministarstvo trgovine / Ministarstvo trgovine i turizma RS i cijenu koja se može prilagođavati, a koja nije u skladu sa ovim stavom.

- Ugovorni organ javno otvara blagovremeno pristigle ponude i dostavlja zapisnik sa otvaranja ponuda svim ponuđačima u roku od tri dana;
- Ugovorni organ odluku o izboru najpovoljnijeg ponuđača ili poništenju postupka javne nabavke dostavlja svim ponuđačima koji su dostavili ponude.
- Nakon izvršenog vrednovanja ponuda ugovor se dodjeljuje ponuđaču koji je dostavio najpovoljniju ponudu, u skladu sa uslovima iz okvirnog sporazuma (najniža cijena), odnosno u skladu s precizno definiranim uslovima u okviru uslova iz okvirnog sporazuma.

Član 7.

Ova odluka stupa na snagu danom potpisivanja i bit će objavljena na službenoj web-stranici Ugovornog organa, www.gras.ba, u skladu sa članom 70. stav (6) Zakona o javnim nabavkama.

Obrazloženje

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je u skladu sa odredbama Zakona o javnim nabavkama BiH („Službeni glasnik BiH broj 39/14 i 59/22), Odlukom o pokretanju postupka javne nabavke broj: 04/650 od 07.12.2023. pokrenuo je postupak javne nabavke „DIZEL BAS EN 590 (10ppm) - LOT 2042“.

Planirana vrijednost javne nabavke u Planu nabavke roba, usluga i radova KJKP „Gradski saobraćaj“ za 2023. godinu iznosila je 8.046.000,00 KM bez PDV-a. Prije pokretanja postupka javne nabavke, u skladu sa Članom 14a ZJN, izvršeno je istraživanje tržišta u svrhu pripreme nabavke. Obzirom da se radi o nabavci dizel goriva gdje je cijena promjenljiva i zavisi od kretanja cijena na svjetskoj berzi, za istraživanje su uzeti zvanični podaci Agencije za statistiku BiH o prosječnoj cijeni dizel goriva u BiH, kao i prosječne cijene Federalnom Ministarstva trgovine FBiH.

Kako je Plan nabavke roba, usluga i radova KJKP „Gradski saobraćaj“ d.o.o. Sarajevo za 2023. godinu objavljen u januaru 2023. godine, u periodu donošenja odluke o pokretanju postupka nabavke prosječna cijena dizel goriva je znatno snižena tako da je procijenjena vrijednost nabavke dizel goriva za period od dvije godine planirana na iznos 10.580.000,00 KM.

U skladu sa Članom 16. Zakona o javnim nabavkama predmetni postupak nije podjeljen na LOT-ove jer isti ne može biti predmet podjele jer se radi o nabavci jedne vrste robe koja se ne može podijeliti na osnovu objektivnih kriterija, npr. prema vrsti, karakteristikama, namjeni, mjestu ili vremenu ispunjenja.

Javna nabavka je provedena putem Otvorenog postupka javne nabavke.

Obavještenje o nabavci broj: 257-1-1-184-3-244/23 objavljeno je na Portalu javnih nabavki dana 07.12.2023 godine i sažetak Obavještenja u „Službeni glasnik BiH“ broj 84 od 15.12.2023 godine.

Na osnovu Izvještaja o preuzimanju tenderske dokumentacije sa portala E-nabavke od datuma objave do krajnjeg roka za preuzimanje tendersku dokumentaciju je preuzelo 14 potencijalnih ponuđača.

Od strane potencijalnih ponuđača je bilo postavljanja pitanja, odnosno tražena su pojašnjenja tenderske dokumentacije vezano za formiranje cijene i garancije za ozbiljnost ponude. U skladu sa članom 56. stav (2) ugovorni organ je odgovorio na zahtjeve za pojašnjenje tenderske dokumentacije putem portala javnih nabavki.

Komisija za izradu tenderske dokumentacije i provođenje postupka javne nabavke imenovana je Odlukom Uprave preduzeća broj: 04/606 od 02.11.2023 godine.

U ostavljenom roku za dostavljanje ponuda, na protokol Ugovornog organa, blagovremeno je pristiglo šest ponuda i to ponude ponuđača:

1. „HIFA PETROL“ d.o.o. Vogošća, Ul. Hotonj bb, zaprimljena na protokol preduzeća pod brojem 578 dana 19.01.2024. godine;
2. „JUNUZOVIĆ – kopex“ d.o.o. Lukavac, Ul. Modrac – Studenac bb, zaprimljena na protokol preduzeća pod brojem 579 dana 19.01.2024. godine;
3. „ALMY“ d.o.o. Zenica, ul. Vrandučka bb, zaprimljena na protokol preduzeća pod brojem 665 dana 22.01.2024. godine;

4. „HIFA-OIL“ d.o.o. Tešanj, ul. Bukva br 10, zaprimljena na protokol preduzeća pod brojem 672 dana 22.01.2024. godine;
5. „GREEN OIL“ d.o.o. Sarajevo, ul. Marka Marulića br 4, zaprimljena na protokol preduzeća pod brojem 673 dana 22.01.2024. godine;
6. „EOL PETROL“ d.o.o. Sarajevo, ul. Kalmija Baruha 10, zaprimljena na protokol preduzeća pod brojem 674 dana 22.01.2024. godine;

Također, nakon otvaranja ponuda dana 22.01.2024. godine, putem elektronske pošte na e-mail graskomercijala@yahoo.com dostavljena je i žalba potencijalnog ponuđača, „BTG“ d.o.o. Tomislavgrad, Kolo bb, 80240 Tomislavgrad, broj žalbe 5/24, od 22.01. 2024. godine, izjavljena na tendersku dokumentaciju ovog Ugovornog organa za nabavku roba – DIZEL BAS EN 590 (10 pmm) – LOT 2042, objavljenu na portalu javnih nabavki - obavještenje o nabavci broj: 257-1-1-184-3-244/23 od 07.12. 2023. godine.

Kako najavljena žalba djeluje suspenzivno i odgađa nastavak postupka javne nabavke, komisija je zaustavila sve aktivnosti i nije započela sa radom na pregledu i ocjeni ponuda ali je održala sastanak dana 30.01.2024. godine u vezi sa najavljenom žalbom (a obzirom da je potencijalni ponuđač tendersku dokumentaciju preuzeo sa portala EJNI 1 sat i 30 minuta prije isteka krajnjeg roka za dostavljanje ponuda) i o istom uputila Informaciju Upravi preduzeća broj 1127 dana 02.02.2024. godine.

Ugovorni organ je razmatrajući dostavljenu žalbu, uvidom u Izvještaj o preuzetim tenderskim dokumentacijama utvrdio je kako je žalitelj predmetnu tendersku dokumentaciju preuzeo sa portala javnih nabavki dana 22.01.2024. godine. Potencijalni ponuđač, „BTG“ d.o.o. Tomislavgrad preuzeo je tendersku dokumentaciju sa portala EJNI dana 22.01.2024. godine u 10:29 sati a poslao je putem e-maila 22.01.2024. godine u 11:39 sati.

U postupanju po predmetnoj žalbi utvrđeno je da je žalba blagovremena, izjavljena od ovlaštenog lica i lica koje ima aktivnu legitimaciju, ali nedopuštena u pogledu načina izjavljivanja žalbe elektronskim putem, suprotno odredbama tačke 9.8. stav 2) (Zaštita prava ponuđača) tenderske dokumentacije kojima je propisano da se „*Žalba izjavljuje putem ugovornog organa u najmanje tri primjerka, u pisanoj formi, direktno na protokol Ugovornog organa ili preporučenom poštanskom pošiljkom*“.

Iz naprijed navedenoga, evidentno je da je žalitelj bio u obavezi da žalbu podnese u skladu sa propisanim odredbama tenderske dokumentacije Ugovornog organa, na način da se Žalba izjavljuje putem ugovornog organa u najmanje tri primjerka, u pisanoj formi, direktno na protokol Ugovornog organa ili preporučenom poštanskom pošiljkom“, iz čega proizilazi da se u konkretnom slučaju dostavljanje žalbe žalitelja putem elektronskog sredstva (e-mail) dana 22.01.2024. godine ne može uzeti kao uredno dostavljanje, jer se to ne može smatrati dostavljanjem na način određen predmetnom tenderskom dokumentacijom.

Komisija je na osnovu člana 101 tačka (1) stav a) „*Žalba se izjavljuje:.....u roku od deset dana od dana preuzimanja tenderske dokumentacije, na sadržaj tenderske dokumentacije*“ pretpostavljala da će potencijalni ponuđač „BTG“ d.o.o. Tomislavgrad koji je preuzeo tendersku dokumentaciju dana 22.01.2024. godine dostaviti Žalbu na propisan način u tenderskoj dokumentaciji.

Nakon isteka roka za izjavljivanje žalbe, a obzirom da ponuđač nije dostavio žalbu na propisan način u tenderskoj dokumentaciji potencijalnom ponuđaču „BTG“ d.o.o. Tomislavgrad je dana 06.02.2024. godine upućen Zaključak broj 04/33 od 05.02.2024. godine u kojem se izjavljena žalba odbacuje kao nedopuštena.

Kako je žalitelj protiv Zaključka imao pravo izjaviti Žalbu Uredu za razmatranje žalbi putem Ugovornog organa, u roku 5 (pet) dana od dana prijema Zaključka u skladu sa članom 100. stav (2) Zakona o javnim nabavkama BiH, komisija je sačekala da se vrati dostavnica iz koje će utvrditi datum dostavljanja Zaključka, koji je zaprimljen od strane potencijalnog žalitelja 09.02.2024. godine. Dostavnica se vratila ugovornom organu dana 21.02.2024. godine.

Nakon što su istekli svi rokovi za dostavljanje žalbe na način propisan tenderskom dokumentacijom i nakon što je istekao rok u kojem se potencijalni ponuđač „BTG“ d.o.o. mogao izjaviti žalbu na Zaključak komisija je nastavila sa radom.

Komisija za javnu nabavku je pristupila pregledu prispjelih ponuda i ocjene dostavljenih dokumenata - kvalifikacija ponuđača. Komisija za javnu nabavku je nakon pregleda ponuda sačinila Zapisnik o pregledu i ocjeni ponuda - prije, E " aukcije broj: 2314 od 04.03.2024. godine u kojem je utvrđeno sljedeće:

- 1) Na protokol Ugovornog organa blagovremeno je pristiglo 6 (šest) ponuda;
- 2) Nije bilo neblagovremeno zaprimljenih ponuda.
- 3) 5 (pet) ponuda od ukupno dostavljenih 6 (šest) ponudea ponuđača ispunjavaju zahtjeve tražene tenderskom dokumentacijom i ocjenjene su prihvatljivim,
- 4) 1 (jedna) ponuda je neprihvatljiva;
- 5) Ponuda ponuđača „GREEN OIL“ d.o.o. Sarajevo ocjenjena je neprihvatljivom, budući da nije pripremljena u skladu sa zahtjevima iz tenderske dokumentacije.

U tabeli se daje Analitički prikaz traženih i dostavljenih dokumenata na osnovu kojih je utvrđeno postojanje razloga za isključenejj ponuđača

Red broj	Traženi i dostavljeni dokazi	„HIFA PETROL“ d.o.o	JUNUZOVIĆ – kopex“ d.o.o.	„ALMY“ d.o.o.	„HIFA-OIL“ d.o.o.	„GREEN OIL“ d.o.o.	„EOL PETROL“ d.o.o.
1.	Aktualni izvod iz sudskog registra	da	da	da	da	da	da
2.	Obrazac za ponudu, Aneks 2	da	da	da	da	da	da
3.	Obrazac za cijenu ponude, Aneks 3	da	da	da	da	da	da
4.	Obrazac povjerljivih informacija, Aneks 4	da	da	da	da	da	da
5.	Potpisana i ovjerena svaka stranica nacrtu Okvirnog sporazuma – Aneks 5;	da	da	da	da	da	da
6.	Nacrt pojedinačnog ugovora Aneks 12	da	da	da	da	da	da
7.	Izjava o ispunjenosti uslova iz člana 47. stav (1) tačka od a) do d) i stav (4) Zakona o javnim nabavkama Aneks 6	da	da	da	da	da	da
8.	Potvrda poslovne banke da glavni transakcijski račun ponuđača nije blokiran u posljednjih 12 (dvanaest) mjeseci od dana izdavanja potvrde	da	da	da	da	da	da
9.	Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks 7;	da	da	da	da	da	da
10.	Izjavu iz člana 52. Zakona o javnim nabavkama-Aneks 8;	da	da	da	da	da	da
11.	Potpisan i ovjeren obrazac Aneks 9	da	da	da	da	da	da

12.	Uvjerenje /certifikat / potvrdu izdatu od strane akreditovane laboratorije o usklađenosti kvaliteta dizel goriva	da	da	da	da	Dostavljeno ali nije u skladu sa TD	da
13.	Referenc lista	da	da	da	da	da	da
14.	Dokazi da je ponuđač u posljednje 3 godine od dana objave obavijesti o nabavci imao uspješno izvršen jedan ili više ugovora u ukupnoj vrijednosti minimalno 5.000.000,00 KM, bez PDV-a, na isporuci Dizel BAS EN 590 (10 ppm) Referenc lista i potvrde Aneks 10	da	da	da	da	Dostavljeno ali nije u skladu sa TD	da
15.	Bezuslovnu bankovnu garanciju za ozbiljnost ponude	da	da	da	da	da	da
16.	Izjavu ponuđača o dostavljanju bezuslovne bankovne garancije za dobro izvršenje ugovora – Aneks 13;	da	da	da	da	da	da
17.	Izjava o kontroli kvalitete roba Aneks 14;	da	da	da	da	da	da
18.	Specifikaciju dokumenata dostavljenih u ponudi	da	da	da	da	da	da

Tokom postupka pregleda i ocjene ponuda nije primijenjen institut pojašnjenja u skladu sa članom 68. stav (3) Zakona.

Također, Komisija konstatuje da u pristiglim ponudama ponuđača nisu uočene ispravke.

Komisija za javnu nabavku je, u postupku pregleda i ocjene ponuda, Ponudu ponuđača „GREEN OIL“ d.o.o. Sarajevo ocijenila neprihvatljivom budući da nije pripremljena u skladu sa zahtjevima iz tenderske dokumentacije.

Razlozi za isključenje ponuđača su sljedeći:

Odredbama tenderske dokumentacije ovog Ugovornog organa, u dijelu koji se odnosi na ispunjavanju uslova tehničke i profesionalne sposobnosti, tačka 7.4. TD propisano je kako će ponuda biti odbačena ukoliko ponuđač ne ispuni sljedeće minimalne uslove:

- da je ponuđač u posljednje 3 godine od dana objave obavijesti o nabavci imao uspješno izvršen jedan ili više ugovora u ukupnoj vrijednosti minimalno 5.000.000,00 KM, bez PDV-a, na isporuci Dizel BAS EN 590 (10 ppm)
- Dokaz o podobnosti proizvoda za isporuku roba koje su predmet ponude
- Prihvatanje isporuke robe u traženom kvalitetu (Dizel BAS EN 590 (10 ppm))

Uvidom u dostavljene dokaze o ispunjavanju uslova tehničke i profesionalne sposobnosti – potvrde o uspješnoj realizaciji ugovora i dokaza o podobnosti proizvoda za isporuku roba koje su predmet ponude sadržane u ponudi ponuđača „GREN OIL“ d.o.o. Sarajevo utvrđeno je sljedeće:

1) Potvrde o uspješnoj realizaciji Ugovora u minimalnoj vrijednosti 5.000.000,00 KM

- *iz sadržaja dostavljenih potvrda i pojašnjenja potvrda o uspješnoj realizaciji ugovora nije se moglo jasno utvrditi kako ovaj ponuđač ispunjava propisani uslov „da je ponuđač u posljednje 3 godine od dana objave obavijesti o nabavci imao uspješno izvršen jedan ili više ugovora u ukupnoj vrijednosti minimalno 5.000.000,00 KM, bez PDV-a, na isporuci Dizel BAS EN 590 (10 ppm)“*,
- uvidom u dostavljenu Potvrdu o uspješnoj realizaciji ugovora izdavaoca KJKP „VODOVOD I KANALIZACIJA“ D.O.O. SARAJEVO br. 161/22, od 08.04.2022. godine i Pojašnjenja navedene potvrde br.185/23, od 06.04.2023. godine, dostavljenim u ponudi ponuđača na stranicama redni broj: 42/59 i 43/59, utvrđeno je kako iz istih proizilazi da je ponuđač imao uspješnu realizaciju ugovora o nabavci predmetnih roba, za potrebe imenovanog KJKP u periodu 2020/2021 godina, u ukupnoj vrijednosti, bez uračunatog PDV-a, od 426.434,39 KM,
- uvidom u Potvrde o uspješnoj realizaciji ugovora br. 0202-1314-2/22, od 05.04.2022. godine i 0202-317-2/23, od 18.01. 2023. godine, Pojašnjenja potvrda br.0202-971-2/23, od 07.03.2023. godine i 0202-972-2/23, od 07.03. 2023. godine, izdatih od strane KJP SARAJEVO-ŠUME d.o.o. Sarajevo, dostavljenim u ponudi ponuđača na stranicama redni broj: 44/59, 45/59, 46/59 i 47/59, utvrđeno je kako iz istih proizilazi da je ponuđač imao uspješnu realizaciju ugovora o nabavci predmetnih roba, za potrebe imenovanog KJP u periodu 2020/2022 godina, u ukupnoj vrijednosti, bez uračunatog PDV-a, od 1.451.276,78 KM,
- uvidom u Potvrdu o uspješnoj realizaciji ugovora br. 22-06/23, od 07.06.2023. godine, izdatu od strane „GREEN PETROL“ d.o.o. Sarajevo, označenu u ponudi ponuđača rednim brojem 48/59, utvrđeno je kako iz iste proizilazi da je ponuđač imao uspješnu realizaciju ugovora o nabavci predmetnih roba, za potrebe imenovanog d.o.o. u 2022. godini, u ukupnoj vrijednosti, sa uračunatim PDV-om, od 182.748,62 KM, odnosno u vrijednosti bez uračunatog PDV-a od 156.195,43 KM,
- uvidom u Potvrdu o uspješnoj realizaciji ugovora broj 572 od 16.01.2023. godine i pojašnjenje navedene potvrde broj. 4115 od 17.04. 2023. godine, izdatih od strane ovog ugovornog tijela - KJKP Gradski saobraćaj d.o.o. Sarajevo, sadržanih u ponudi imenovanog ponuđača na stranicama redni broj, 49/59 do 50/59, utvrđeno je kako iz sadržaja istih proizilazi kako je ponuđač „Green Oil“ d.o.o. Sarajevo, u skladu sa odredbama zaključenog ugovora/okvirnog sporazuma, u periodu 2020. – 2022. godina, izvršio uspješnu isporuku goriva Dizel BAS EN 590 (10 ppm) na način kako slijedi:
- Isporuku u 2020. godini, u vrijednosti bez uračunatog PDV-a od 555.555,00 KM, u periodu od 3 (tri) mjeseca računajući od dana 22.05.2020. godine (dana zaključivanja/potpisivanja ugovora)
- Isporuku u 2022/2023. godini, u vrijednosti bez uračunatog PDV-a od 2.893.276,55 KM, u periodu od 23.02.2022. godine do 12.01.2023. godine.

U cilju valjane ocjene ovog dokaza, te pravilnog i potpunog utvrđivanja činjeničnog stanja, u smislu izračuna tačnog vremena realizacije ugovora o predmetnoj nabavci u 2020. godini, pribavljeno je Pojašnjenje Službe za komercijalne poslove KJKP Gradski saobraćaj d.o.o. Sarajevo br. 1966 od 26.02.2024. godine iz kojeg slijedi da je imenovani ponuđač izvršio predmetnu isporuku u 2020. godini, shodno zaključenom ugovoru o nabavci br. 6497 od 22.05.2020. godine, u periodu od dana zaključenja ugovora do 23.08.2020. godine, u ukupnoj vrijednosti bez uračunatog PDV-a od 555.555,00 KM.

Cijeneći sadržaj Potvrde o uspješnoj realizaciji ugovora br. 572, od 16.01.2023. godine i Pojašnjenja navedene potvrde br. 4115, od 17.04.2023. godine, izdatih od strane ovog ugovornog tijela - KJKP Gradski saobraćaj d.o.o. Sarajevo, te Pojašnjenja Službe za komercijalne poslove ovog organa br. 1966, od 26.02. 2024. godine, Komisija nije mogla cijeliti kao relevantan dio potvrde, u smislu priznavanja uspješne realizacije predmetne nabavke u iskazanoj vrijednosti od 555.555,00 KM, koji se odnosi na period uspješne isporuke goriva Dizel BAS EN 590 (10 ppm) u periodu od 3 (tri) mjeseca u 2020. godini, računajući od dana 22.05.2020. godine, jer isti ne ulazi u obuhvat perioda uspješne isporuke predmetne robe u periodu od posljednje tri godine, računajući od dana objave predmetnog obavještenja o nabavci, tačnije za period od 06.12.2020. godine do 06.12.2023. godine.

U daljem postupanju komisija je izvršila izračun ukupne vrijednosti uspješno realizovanih ugovora ovog ponuđača u traženom periodu, zbirom iskazanih vrijednosti iz prihvatljivih potvrda, te utvrdila da ukupna vrijednost uspješno realizovanih ugovora imenovanog ponuđača, u segmentu predmetne nabavke, u periodu

od 06.12.2020. godine do 06.12.2023. godine, iznosi 4.927.183,14 KM, što je za 72.816,85 KM manje u odnosu na minimalnu traženu ukupnu vrijednost uspješne realizacije predmetnog ugovora.

2) Dokaz o podobnosti proizvoda za isporuku roba koje su predmet ponude

Ponuđač „GREEN OIL“ d.o.o. Sarajevo u svojoj ponudi na strani 23/59 dostavio je ovjeren i potpisan Aneks 9 TEHNIČKA SPECIFIKACIJA DIZEL BAS EN 590 (10 ppm) u kojem su napisane karakteristike DIZEL BAS EN 590 (10 ppm) koje treba zadovoljiti tražene karakteristika sa strane 30. TD (Aneks 9.) i to:

TEHNIČKA SPECIFIKACIJA DIZEL BAS EN 590 (10 ppm)

1. Cetanski broj 51,0
2. Cetanski indeks min 46,0
3. Gustoća na 15 °C (kg/m³): 820,0-845,0
4. Količina ukupnog sumpora mg/kg max. 10
5. Tačka paljenja (°C): veća od 55,0
6. Koksni ostatak (iz 10% v/v) (%m/m): manje ili jednako 0,30
7. Sadržaj pepela (%m/m): max 0,010
8. Sadržaj vode (%m/m): max. 0,020
9. Ukupna onečišćenja (mg/kg): max. 24
10. Korozivnost na Cu (3 h na 50 °C): klasa 1
11. Kinematički viskoznost na 40°C (mm²/s): 2,000 do 4,500
12. Tačka zamućenja (°C) CFPP prema važećim nacionalnim zahtjevima filtrabilnosti tokom godine za BiH
13. Destilacija:
 - 250 °C (%V/V): niže od 65
 - 350 °C (%V/V): veće ili jednako 85
 - 95 % predestiliranog (°C): manje ili jednako 360

U NAPOMENI u aneksu 9 je precizirano: Ukoliko Ponuđač ne dostavi važeće dokaze izdate od ovlaštene Institucije, iz koje je vidljivo da ponuđeni Dizel BAS EN 590 (10 ppm), ispunjava minimalne zahtijevane parametre, u skladu sa važećim standardima BAS ili ekvivalent ponuđenih atesta/certifikata ili važećih standarda prema odluci o kvaliteti tečnih naftih goriva u Bosni i Hercegovini, kao i karakteristike Dizel BAS EN 590 (10 ppm) navedenih u ovoj tehničkoj specifikaciji, ponuda će se odbaciti.

Uvidom u dostavljene dokaze o podobnosti proizvoda za isporuku roba koje su predmet ponude – Certifikat o kontroli kvaliteta br. 435/23, od 31.10.2023. godine i izvješće o ocjenjivanju usklađenosti br. IA-435/23, od 31.10.2023. godine, izdate od strane inspeksijskog tijela "INTER ACTA" d.o.o. Mostar, sadržane u ponudi ponuđača GREEN OIL d.o.o. Sarajevo, označenih rednim brojem stranice 55/59 i 56/59, utvrđeno je kako u navedenom Izvješću o ocjenjivanju usklađenosti, koje je provela akreditirana laboratorija prema zahtjevima BAS EN ISO /IEC 17025:2018 Control H- Mostar nema rezultata ispitivanja za parametre "koksni ostatak" i "sadržaj pepela", a koji su traženi u predmetnoj tehničkoj specifikaciji (Aneks 9 Tenderske dokumentacije) pod tačkama 6. i 7.

3) DRUGE NEPRAVILNOSTI:

Komisija je na koverti i u ponudi ponuđača „GREEN OIL“ d.o.o. Sarajevo utvrdila slijedeće:

U tački 8. 3. Tenderske dokumentacije NAČIN DOSTAVLJANJA PONUDE tačnije u tački 8.3.2. precizirano je: „Koverta ili paket s ponudom se dostavlja na adresu Ugovornog organa iz tačke 1.1 TD. Na koverti ponude mora biti naznačeno:

naziv i adresa Ugovornog organa,
naziv i adresa ponuđača u lijevom gornjem uglu koverta,
naziv predmeta nabavke, odnosno lota na koji se ponuda odnosi,
naznaka „NE OTVARAJ“.

Ponuđač „GREEN OIL“ d.o.o. Sarajevo na koverti je naveo adresu ponuđača: Ferhadija broj 24, Sarajevo (koja je upisana u Zapisnik sa otvaranja ponuda). Uvidom u dostavljeni Aktuelni izvod iz sudskog registra utvrđeno je da je sjedište ponuđača GREEN OIL d.o.o. na adresi ulica Marka Marulića broj 4, Sarajevo, Novo Sarajevo.

Također, ponuđač „GREEN OIL“ d.o.o. Sarajevo u pojedinim priložima ponude u dijelu koji se odnosi na memorandum, sadržana je adresa BP Marka Marulića br. 4, Uprava : Ferhadija 24, 71000 Sarajevo.

Cijeneći izloženo, imajući u vidu opisane nepravilnosti ponude ponuđača „GREEN OIL“ d.o.o. Sarajevo, Komisija je zauzela stav kako:

1. U konkretnom slučaju, nisu ispunjeni uslovi za dalje učešće ponuđača „GREEN OIL“ d.o.o. Sarajevo u daljem postupku predmetne javne nabavke, u smislu odredaba člana 44. stav (6) ZJN (provjera kvalifikacije kandidata ili ponuđača), kojima je propisano da je "Samo onim kandidatima/ponuđačima čije kvalifikacije zadovoljavaju uslove utvrđene u tenderskoj dokumentaciji dopušteno je da nastave postupak javne nabavke".
2. Ponuda ponuđača „GREEN OIL“ d.o.o. Sarajevo ne ispunjava uslove tehničke i profesionalne sposobnosti u postupku javne nabavke, u smislu odredaba člana 49. tačke a) i e) ZJN i odredaba tačaka 7.4., i 7.4.1., podtačke a) i b) predmetne Tenderske dokumentacije jer u ponudi imenovanog ponuđača nisu sadržani potpuni valjani dokazi u smislu odredaba tačke 7.4.2., podtačke a) i b) TD, kojima se dokazuje ispunjavanje uslova „da je ponuđač u posljednje 3 godine od dana objave obavijesti o nabavci imao uspješno izvršen jedan ili više ugovora u ukupnoj vrijednosti minimalno 5.000.000,00 KM, bez PDVa, na isporuci Dizel bas EN 590 (10 ppm)" i uslova postojanja "Dokaza o podobnosti proizvoda za isporuku roba koje su predmet ponude".
3. Priprema ponude ponuđača nije izvršena u skladu sa odredbama člana 57.stav (1) ZJN kojima je propisano da se "U postupku javne nabavke kandidat/ponuđač pridržava zahtjeva i uslova iz tenderske dokumentacije".

Imajući u vidu predhodne navode, iskazane na okolnosti nepravilnosti ponude ponuđača „GREEN OIL“ d.o.o. Sarajevo, Komisija je ocijenila da su se u konkretnom slučaju stekli uslovi za postupanje ugovornog organa u smislu odredaba člana 68. stav (1) ZJN (Razlozi za odbacivanje zahtjeva za učešće ili ponude), kojima je propisano da „Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. ovog zakona“.

U predmetnom postupku javne nabavke Ugovorni organ predvidio je provođenje „E“-aukcije u skladu sa Članom 4. Pravilnika o uslovima i načinu korištenja e-Aukcije ("Službeni glasnik BiH", broj: 80/23).

Kako je Ugovornom organu pristiglo pet prihvatljivih ponuda i to ponude ponuđača: „HIFA PETROL“ d.o.o. Vogošća, Ul. Hotonj bb, Vpogošća-Sarajevo, „JUNUZOVIĆ – kopex“ d.o.o.Lukavac, Ul. Modrac – Studenac bb, Lukavac, „ALMY“ d.o.o. Zenica, ul. Vrandučka bb, Zenica, „HIFA-OIL“ d.o.o. Tešanj, ul. Bukva br 10, Tešanj i „EOL PETROL“ d.o.o. Sarajevo, ul. Kalmija Baruha 10, Sarajevo, zakazana je E-aukcija.

„E“- aukcija zakazana i provedena dana 08.03.2024. godine.

Na osnovu Izvještaja o toku i završetku „E“- aukcije utvrđeno je da u postupku „E“- aukcije od strane ponuđača nije bilo smanjivanja početnih cijena ponude. Rang lista ponuđača nakon e-Aukcije prikazana u tabeli.

Rang	NAZIV I SJEDIŠTE PONUĐAČA	Početna cijena u KM bez PDV-a	Umanjenje cijene
1.	„HIFA PETROL“ d.o.o. Vogošća, ul. Hotonj bb	10.442.000,00	0%
2.	„ALMY“ d.o.o. Zenica ul. Vrandučka bb	10.580.000,00	0%
2.	„EOL PETROL“ d.o.o. Sarajevo ul. Kalmija Baruha 10	10.580.000,00	0%
2.	„HIFA-OIL“ d.o.o. Tešanj ul. Bukva br 10	10.580.000,00	0%
2.	„JUNUZOVIĆ – kopex“ d.o.o. Lukavac, ul. Modrac – Studenac bb	10.580.000,00	0%

Na osnovu Zapisnika o ocjeni ponuda - prije E-aukcije broj: 2314 od 04.03.2024. god. i Izvještaja o toku i završetku „E“- aukcije od 08.03.2024. godine, Komisija za javnu nabavku sačinila je konačan Zapisnik o ocjeni ponuda nakon „E“- aukcije broj 2886/2 i Preporuku o izboru najpovoljnijeg ponuđača broj: 2886 od 21.03.2024. godine u kojima predlaže Upravi preduzeća da se, u skladu s članom 64. stav (1) tačka b) i Članom 32. stav (5) tačka b) Zakona o javnim nabavkama BiH, u postupku javne nabavke robe: „DIZEL BAS EN 590 (10ppm) - LOT 2042“ na osnovu kriterija za dodjelu ugovora „Najniža cijena“ zakluče Okvirni sporazumi na period od 2 (dvije) godine sa kvalifikovanim ponuđačima čije cijene ponuda iznose:

Rang	NAZIV I SJEDIŠTE PONUĐAČA	Cijena u KM bez PDV-a	Cijena u KM sa PDV
1.	„HIFA PETROL“ d.o.o. Vogošća, ul. Hotonj bb	10.442.000,00	12.217.140,00
2.	„ALMY“ d.o.o. Zenica Vrandučka bb	10.580.000,00	12.378.600,00
2.	„EOL PETROL“ d.o.o. Sarajevo Ul. Kalmija Baruha 10	10.580.000,00	12.378.600,00
2.	„HIFA-OIL“ d.o.o. Tešanj Ul. Bukva br 10	10.580.000,00	12.378.600,00
2.	„JUNUZOVIĆ – kopex“ d.o.o. Lukavac, Ul. Modrac–Studenac bb	10.580.000,00	12.378.600,00

Izabrani ponuđači su ocjenjeni na osnovu kriterija: Najniža cijena, odnosno na osnovu kriterija utvrđenih u obavještenju o nabavci i tenderskoj dokumentaciji.

Ponuda ponuđača „GREEN OIL“ d.o.o. Sarajevo, ul. Marka Marulića br 4, Sarajevo, ne ispunjava uslove za kvalifikaciju, Član 68 stav (1) Zakona o javnim nabavkama BiH, („Službeni glasnik BiH“ broj: 39/14, 59/22), ponuđač nije dostavio tražene dokaze koji su dokaz ispunjavanja uslova iz člana 45-51 Zakona.

Na prijedlog Komisije za javnu nabavku, prema utvrđenom kriteriju „Najniža cijena“ ocjenjeno je da su, u otvorenom postupku javne nabavke roba: „DIZEL BAS EN 590 (10ppm) - LOT 2042“, kvalifikovane pponude i prihvatljive ponude ponuđača

1. „HIFA PETROL“ d.o.o. Vogošća,
2. „ALMY“ d.o.o. Zenica
3. „EOL PETROL“ d.o.o. Sarajevo
4. „HIFA-OIL“ d.o.o. Tešanj
5. „JUNUZOVIĆ – kopex“ d.o.o. Lukavac

Ugovorni organ, nakon provedenog postupka i zaključenih okvirnih sporazuma sa svim kvalifikovanim ponuđačima, dodjeljuje prvi pojedinačni ugovor za nabavku roba: „Dizel BAS EN 590 (10ppm) – LOT 2042“ najuspješnijem ponuđaču „HIFA PETROL“ d.o.o. Vogošća koji je dostavio tehnički ispravnu ponudu sa najnižom cjenom za količinu 100.000 litara.

Naziv/ime ponuđača	„HIFA PETROL“ d.o.o. Vogošća
Adresa	Hotonj bb, Vogošća
Količina	100.000 litara
Cijena / litar bez PDV	2,27 KM/l
Ukupna cijena bez PDV-a	227.000,00 KM
PDV	38.590,00 KM
Ukupna cijena ponude sa PDV-om	265.590,00 KM
Način plaćanja :	Do 60 dana od dana po prijemu fakture
Kvalitet:	Kao u tehničkim elementima ponude
Rok isporuke	2 radna dana od dana dostave narudžbe

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnik. Komisija je u svom radu u potpunosti poštivala Zakon o javnim nabavkama BiH i podzakonske akte. Izbor kvalifikovanih ponuđača izvršen je u skladu sa Zakonom o javnim nabavkama BiH, podzakonskim aktima, internim aktima i tenderskoj dokumentaciji.

Iz navedenih razloga, primjenom člana 64. stav (1) tačka b) Najniža cijena Zakona o javnim nabavkama BiH, Člana 32. stav (5) tačka b), te člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, odlučeno je kao u dispozitivu odluke.

POUKA O PRAVNOM LIJEKU

U skladu sa članom 99. i članom 101. Zakona o javnim nabavkama protiv ove odluke može se izjaviti žalba u roku od 10 (deset) dana od dana zaprimanja odluke.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Za Ugovorni organ
V.d. Generalni direktor
Mr. Senad Mujagić



Dostaviti:

1. „HIFA PETROL“ d.o.o., Vogošća, ul. Hotonj bb, 71320 Vogošća
2. „ALMY“ d.o.o. Zenica, ul. Vrandučka bb, 72000 Zenica
3. „JUNUZOVIĆ – kopex“ d.o.o. Lukavac, Ul. Modrac – Studenac bb, Lukavac 75300
4. „HIFA OIL“ d.o.o. Tešanj, ul. Bukva br. 10, 74260 Tešanj
5. „EOL PETROL“ d.o.o. Sarajevo, ul. Kalmija Baruha 10, 71000 Sarajevo
6. „GREEN OIL“ d.o.o. Sarajevo, ul. Marka Marulića br. 4, 71000 Sarajevo
7. Uprava preduzeća
8. Odjeljenje javnih nabavki (u spis)
9. Odjeljenje javnih nabavki
10. Odjel Interne revizije
11. Arhiva